

## SEIN PASIN WAN VITAL

### ANNUKUN & TICHIKIN

EI SEIN PASIN MEI KAWOR SENI EWE VITAL FERRY SERVICES (EWE “COMPANY”) WON EWE SEIN PASIN (THE “SERVICE”) NGE MEI NOM FAN NURUN EKEI ANUK, MINE EKEI PASIN REPWE TIPE-EW NGENI AR REPWE TONGENI FITI EI SEIN PASIN.

1. VITAL FERRY SERVICES EPWE CHOK TONGENI ANISI EKEWE PASIN RA WARETO NON EWE RANIN SAI (WALK-IN CUSTOMERS). ESE WOR TICKETIN SAI EPWE KAOR ME MWEN EWE RANIN SAI.
2. MEINISIN TICKET EPWE KAMO NON FOUFOUN MONI. SISE TONGENI ANGEI CREDIT CARD, CHECK, IKA MOBILE WALLET.
3. NIWIN SEFANIN MEEN TICKET

NON FANSOUN ESAP FIS EWE SAI FAN ITEN EWE SEIN PASIN MEI OSUKOSUK IKA WATEN ASAPWAN ME RAAN, UNUSEN MEEMEN EWE TICKET EPWE NIWIN SEFAN NGENI EWE PASIN. EWE COMPANY ESAP TIPIS REN PISEK MEI POUTUNO, PISEK MEI TAA, IKA PASIN REPWE FEINGAW EPWE FIS FAN ITEN AN ESAP FIS EWE SAI, IKA AN EWE SAI EPWE MANGENO.

MURIN AN EWE PASIN A KAMO NOUN TICKET, NGE EWE PASIN ESE NOM WON EWE SEIN PASIN (NO SHOW), EWE PASIN ESAP ANGEI SEFANI MEEN NOUN EWE TICKET.

4. EWE PASIN EPWE FORI MET AUROURAN MEREN CHON ANGANGEN EWE COMPANY ME CHON ANGANGEN WON EWE SEIN PASIN REN MET MWOKUTUKUT FAN ITEN EWE SERVICE, PWAN AUSENING NGENI MET ESINESIN EPWE KATOU ME WON EWE SEIN PASIN. EWE COMPANY MEI TONGENI AN ESAP ANISI EMON PASIN, IKA UWEI AN PISEK, NGE ESAP PWAN WOR POPUN ME WEWEN.

EKEWE SCHEDULE MEI KATOU ME KUNOKUN SAI EPWE TONGENI AN EPWE EKESIWIN NGE ESAP WOR ESINESIN FAN ITEN OSUKOSUKEN ASAPWAN ME PWAN EKOCH WEWE.

VITAL FERRY SERVICES EWE CHON AWORA SAI NGENI POINT-TO-POINT, IWE EWE COMPANY ESAP TIPIS REN EKOCH MWOKUTUN SAI EPWE TAANO FAN ITEN KAMWORONON IKA MANGENON SAI.

VITAL FERRY SERVICES MEI WOR AN PUNG AN EPWE SIWINI FETANIN EWE SEIN PASIN FAN ITEN TUMUNUN ME KINAMWEIN EWE PASIN.

FANSOUN EPWE KATANO IKA SIWIN FETANIN EWE SEIN PASIN, EWE UKUKUN MEEMEN VITAL FERRY SERVICES EPWE ENIWINI SEFANI NGENI EWE PASIN A UKUKUN UNUSEN MET EWE PASIN MEI MONATIW NGENI EWE COMPANY.

### 5. METOCH ESE MUMUTA

FAN ITEN TUMUNUN ARAMAS, EKEI MEI AFAT FAAN ESE MUMUTA WON EI SEIN PASIN:

- MAAN (KONAK, KATU, PIG, ME EKEWE EKOCH)
- PISEKIN AFEIENGAW IKA PISTOR
- PAKUTANG ME METOCH MEI CHONUON MEI EFEINGAW (IKA CHEMICALS)
- METOCH EPWE AWORA PARANG (IKA CORROSIVE SUBSTANCES)
- METOCH EPWE TONGENI EFISATA EKEI IKA KAAR (IKA FLAMMABLE SUBSTANCES)

### 6. PISEK MEI MUMUTA

EMON PASIN MEI TONGENI UWEI ESAP NAPISENI RUU (2) NENIEN PISEK (POTOU, POR, IKA KIWIFER) NGE ESAP KAMO, NGE ESAP NAPISENI 23KG CHOUN EW ME NEIN EKEI NENIEN PISEK. IKA PUN EPWE KUCHUTA, EKOCH NENIEN PISEK MEI TONGENI KAPACHETA NGE EPWE FAAN AN EWE COMPANY WE RATE REN \$5.00 (NON MONIEN MERICA) EW ME NEIN EKEWE NENIEN PISEK EPWE KAPACHETA. EWE COMPANY MEI WOR AN PUNG AN EPWE CHECKI EKEWE NENIEN PISEK, AN ESAP PWAN ETIWA EKEWE NENIEN PISEK. EWE COMPANY ESAP TIPIS IKA PUN MEI WOR NENIEN PISEK MEI POUTUNO IKA TAA NUPWEN SAI.

### 7. EKEWE PISEK NON NENIEN PISEK

NUPWEN SAI WON EWE SEIN PASIN, EKEWE PASIN REPWE WAU ME NON AR KEWE NENIEN PISEK EKEI METOCH MEI AFATATIW FAAN:

- MONI IKA SENIS
- TAROPWEN SAI
- SAKAW
- SAFEI
- LAPTOP
- RUME
- RING, MWARAMWAR, EARRING
- IPOD/IPAD/MOBILE IKA CELL PHONES
- PISEK MEI AUCHEA

EWE COMPANY ESAP TIPIS IKA PUN MEI WOR PISEK MEI POUTUNO IKA TAA ME NON EKEI NENIEN PISEK.

## 8. MET MEI TONGENI FIS NUPWEN SAI

MEI WOR METOCH MEI TONGENI AN EPWE FISINGENI PASIN ME PISEKIR KEWE NUPWEN SAI. EKEI METOCH MEI TONGENI FIS, REN RANINGAW ME WATEN NOO, FANSOUN RUWEOFCH SHIP REPWE PUREFENGEN, SEMWEN REN PASIN REN MONGO ME UUN, FANSOUN MIT IKA TURUNO FAN ITEN MWOKUTUKUTUTUN EWE SEIN PASIN, FANSOUN ESAP WOR SAFEI ME ANGANGEN SAFEI, OSUKOSUK REN FIFIU ME MAUN, FANSOUN SUU SENI EWE SEIN PASIN NUPWEN OSUKOSUK, MWOKUTUKUTUN MAAN, ME TANON PISEKIN EWE SEIN PASIN. EKEWE PASIN IR MEI PWARATA PUN IR MEI TAWEN SAI WON EWE SEIN PASIN, ME TIPEW NGENI PUN METOCH EPWE FISINGENIR NUPWEN SAI ESAP TIPISIN EMON.

## 9. KISINON TIPISIN SAI

EWE SEIN PASIN WAN VITAL ESAP TIPIS REN FEINGAW (MEI PACHENONG FIENGAW REN OSUKOSUKEN NON EKIEKIN ME MOKUREN EMON, IKA PSYCHOLOGICAL INJURY), SEMWEN, MANO REN EMON PASIN IKA PISEKIN PASIN MEI POUTUNO IKA TAA REN MEINISIN MWOKUTUN EI SEIN PASIN, PACHENONG NEGLIGENCE, TANON EW ETIPEW, IKA TANON EW DUTY OF CARE PACHENONG EW DUTY OF CARE FAN NURUN ANNUK, FAN ITEN EWE SEIN PASIN WAN VITAL, NOUR KEWE CHON ANGANG, NOUR AGENTS, CHON CONTRACT IKA CHON FEERI EWE SEIN PASIN, FAN ITEN MWOKUTUKUTUN EWE SEIN PASIN AN EPWE UWEI EKEWE PASIN FAN NURUN EWE VITAL FERRY SERVICES.

## 10. MUSONON TIPISIN

EWE PASIN ESAP ETIPISI EWE VITAL FERRY SERVICES, NOUN KEWE CHON ANGANG, NOUN KEWE CHON NOM WON CONTRACT, SENI SAKOPATEN FEINGAW ME TIPIS EPWE FIS NGENI EWE PASIN IKA PISEKIN EWE PASIN (PACHENONG FEINGAWEN NON EKIEKIN ME MOKUREN EWE PASIN), NUPWEN SAI FAN ITEN EWE VITAL FERRY SERVICES, AN ESAP PWAN WOR TIPISIN EWE COMPANY ME NOUN KEWE CHON ANGANG, NOUN KEWE AGENTS, ME CHON NOM WON CONTRACT SENI SOKOPATEN CLAIMS, IKA KAPUNG, EXPENSES ME COSTS, PACHENONG MEINISIN EXPENSES, COSTS, ME FEES ME MEMEN SOUANUK, FAN ITEN TAANON ME FEINGAW (PACHENONG FEINGAWEN NON EKIEK) NGENI EWE PASIN IKA PISEK A POPUSENI ACCIDENT (IKA TUMUNUNGAW), NEGLIGENCE ACT IKA OMISSION FAN ITEN EWE PASIN, EWE COMPANY, IKA NOUN CHON ANGANG, NOUN AGENTS, IKA CONTRACTORS.

11. EWE SEIN PASIN WAN VITAL A WOR AN PUNG AN EPWE SIWINI UKUKUN MEMEON METOCH IKA PACHETAN MEMEON FUEL FANSOUN EPWE WOR RANINGAW IKA REN EKOCH POPUN, NGE FAN NEMENIAN EWE SEIN PASIN WAN VITAL.

12. EWE SUPREME COURT OF THE FEDERATED STATES OF MICRONESIA EPWE TONGENI AN EPWE ANGANG WON IKA ARONGORONG WON MEINISIN CLAIMS, KAPUNG, IKA OSUKOSUK EPWE FIS FAN NURUN FETANIN EWE SEIN PASIN, ME MET EPWE FIS FAN ITEN EWE VITAL FERRY SERVICES FAN NURUN ANNUKUN FEDERATED STATES OF MICRONESIA.

Terms & Conditions  
available online  
here!



**Vital Ferry Services**  
Vital FSM Petroleum Corporation  
P.O. Box 130  
Weno, Chuuk FM 96942  
Tel: +691-330-4200  
Website: [www.vitalenergy.fm](http://www.vitalenergy.fm)  
Email : [info@fsmc.com](mailto:info@fsmc.com)